

Papsturkunden in Frankreich. Band 5: Touraine, Anjou, Maine und Bretagne., Nr. 85

ADRIANVS EPISCOPVS SERVVS SERVORVM DEI. DILECTIS FILIIS SYMONI PRIORI ECCLESIE BEATI MAGNOBODI EIVSQVE FRATRIBVS TAM PRESENTIBVS QVAM FVTVRIS CANONICE SVBSTITVENDIS IN PERPETVVM.

Piae postulatio uoluntatis effectum debet prosequente compleri, quatinus et deuotionis sinceritas laudabiliter enitescat et utilitas postulata uires indubitanter assumat. Eapropter, dilecti in domino filii, uestris iustis postulationibus clementer annuimus et prefatam ecclesiam, in qua diuino mancipati estis obsequio, sub beati Petri et nostra protectione suscipimus et presentis scripti priuilegio communimus. Statuentes, ut quascumque possessiones, quecumque bona eadem ecclesia in presentiarum iuste et canonice possidet aut in futurum concessione pontificum, largitione regum uel principum, oblatione fidelium seu aliis iustis modis Deo propitio poterit adipisci, firma uobis uestrisque successoribus et illibata permaneant. In quibus haec propriis duximus exprimenda uocabulis: ecclesiam de Marcilliaco cum pertinentiis suis, ecclesiam de Corzeio cum per[t]inentiis suis, ecclesiam de Chantoceio cum pertinentiis suis, ecclesiam de villa Bernone cum pertinentiis suis et ecclesiam sancti Dionisii cum pertinentiis suis. Ad haec donationem prebendae defunctorum officiis deputatae, sicut ad uos rationabiliter pertinet, auctoritate uobis apostolica confirmamus. Decernimus ergo, ut nulli omnino hominum liceat prefatam ecclesiam temere perturbare aut eius possessiones auferre uel ablatas retinere, minuere aut aliquibus uexationibus fatigare, sed omnia integra conseruentur eorum, pro quorum gubernatione et sustentatione concessa sunt, usibus omnimodis profutura, salua sedis apostolicae auctoritate et diocesani episcopi canonica iustitia. Si qua igitur in futurum ecclesiastica secularisue persona hanc nostre constitutionis paginam sciens contra eam temere uenire temptauerit, secundo tertioque commonita, si non satisfactione congrua emendauerit, potestatis honorisque sui dignitate careat reamque se diuino iudicio existere de perpetrata iniquitate cognoscat et a sacratissimo corpore ac sanguine Dei et domini redemptoris nostri Iesu Christi aliena fiat atque in extremo examine district[e] ultioni subiaceat. Cunct[is] autem eidem loco iusta s[erua]nt[ibus] sit pax domini nostri Iesu Christi, quati[nu]s et hic fructum bonae [actio]nis percipiant et apud districtum iudicem premia eterne pacis inueniant. AMEN. AMEN. AMEN.

R. Ego Adrianus catholicae aecclesiae episcopus ss. BV.

Ego Imarus Tusculan(us) episcopus ss.

Ego Hugo Hostiensis episcopus ss.

Ego Gregorius Sabinensis episcopus ss.

Ego Gvido presb. card. tit. sancti Grisogoni ss.

Ego Hubaldus presb. card. tit. sancte Praxedis ss.

Ego Manfredus presb. card. tit. sanctae Sauinae ss.

Ego Aribertus presb. card. tit. sancte Anastasie ss.

Ego Iulius presb. card. tit. sancti Marcelli ss.

Ego Hubaldus presb. card. tit. sancte Crucis in Hierusalem ss.

Ego Astaldus presb. card. tit. sancte Priscæ ss.

Ego Iohannes presb. card. Sanctorum Iohannis et P(auli) tit. Pamachii ss.

Ego Henricus presb. card. tit. sanctorum Nerei et Achillei ss.

Ego Iohannes presb. card. tit. sanctorum Siluestri et Martini ss.

Ego Guido diac. card. sancte Marie in porticu ss.

Ego Ildebrandus diac. card. sancti Evstachii ss.

Ego Odo diac. card. s(ancti) Nicholai in carcere Tulliano ss.

Dat. Rome apud sanctum Petrum per manum Rolandi sancte Romane ecclesiae presbiteri
cardinalis et cancellarii II id. ianuar., indictione III, incarnationis dominicæ anno Mo. Co.
Lo. IIIIo, pontificatus uero domni Adriani IIII pape anno primo.